

回族和中国伊斯兰教古籍资料汇编

天方至圣实录年谱

天方至聖實錄年譜

回族和中国伊斯兰教古籍資料汇编

天方至聖實錄卷之十三



遷都七年至八年事實

遷都七年

五月

哲馬獨立傲卧

海北邇征誅

其首惡九十三人

婦幼入旗財產籍沒餘軍釋

罪盛甲兵具悉收之割其地土之半以易下尼

老渦合掌分割事

海北邇亦默底納之屬國相距若干里俗尚

二氏教與穆人嫉忌久矣畜銳陳兵欲寇默

底納聖人自侯代比葉歸師聞信一面遣士

教化六國、一面整兵征海北邇、以是月上旬
出師、留散馬爾守城、時爾里病目、以補白克
先鋒、以歐墨爾中軍、聖自斷後、至海北邇、離
五里下營、敵聞之大驚、閉門不出、敵魁索團
問計于左右、對曰、畜銳數年、不能見利于一
朝乎、請與戰、及戰不勝、緊守城門、屢攻不下
有忒爾撒進教者、識天文占驗、進計曰、此時
出師、未有利也、無已、請于某城角攻之、可破
攻之愈堅、聖人曰、吾獅兒未至也、遂檄爾里

至爾里兩目癰痛不能睜聖以口津抹之痛

止目睜較常倍明

爾里常病目自此以後不復發矣

爾里往

一攻而開誅其聯名首惡九十三人其婦女
幼子入旗爲奴餘軍俱釋盡收其盛甲兵什
沒其財籍其產割其國地土之半曰民禮而
國富福也民畔而國富禍也斯民禍于斯富
矣城有厄卜哈基谷之寶藏發之命易卜尼
老渦合分割其地卽掌其國海北邇多萬年
策地悉歸之其後民種棗者稅其半順教則

免稅如常

納鎖斐葉

鎖斐葉海葉女也。貞靜閑雅。知閭教。被俘獻之聖。聖給與遷士。女不願。願侍聖。聖列之侍婢。女不欲外見。聖難之。俄而真主降命曰。美乎。貞守自固之女也。汝其納之。聖乃納之列諸后。

罕查直順教歸納財債

罕查直墨克人。巨富墨克。及海北邇人多貸

資營業。聖開海北邇時罕查直在焉。見聖道
高明。遂順告曰。弟子家住墨克。願以全家投
順。所有財貨悉歸穆軍公用。乞假回國歸結
所有許之。罕查直來墨克。言歸結財貨。衆貸
多難之。共詣爾巴士。乞爲勸緩。爾巴士曰。吾
將問之。遣使問于罕查直。直慰來使曰。吾來
將面告之。罕查直來屏退。從人入淨室。語曰。
聖人攻開海北邇。軍民所有。皆爲所贏。地土
割其半。吾見其道行高卓。順其教已。願以予

所有財貨輸爲公用。今來歸納衆貨。向默底
納。輔聖化也。不敢宣言者。恐古來氏及二氏
人害吾。并不還吾財耳。君其隱之。俟吾歸。結
去後三日。宣白可也。爾巴士喜。乃力勉衆贖。
因得盡收其貨財去。納之聖。悉入義庫。遂家
默底納。

逆婦毒羊

海北邇虜婦宰納以蒸羊羔入毒供聖。聖方
取食。羔忽吐人言曰。天差勿取吾。乃染毒者。

也。畢施爾取啖之死。聖執婦勘之。招曰。報殺夫恨也。殺之。

或曰。以至聖之總知。不知其毒。而欲食。奚爲至聖。荅曰。此所以顯至聖之感應也。羊毒不須告白。不用神覺。不從自己之審悟。乃從羊口中說出。此所以爲感應也。

晨拜失補之

海北邇歸途。夜半方下營。人困馬乏。俱就寢。命畢喇勒司更。亦熟寢。日出方覺。聖早起。呼

衆起沐畢。宣禮。補晨拜。哀泣告悞。命曰念哉。禮拜。此補拜之始也。

日落復升

營次。聖自禮。晡拜訖。枕于爾里之懷寐焉。忽天敕降。聖急起接命。時已日落。問爾里曰。禮晡拜乎。對曰未也。聖慌遽默祝曰。啞真主。爾里乃順主順聖者。乞轉日輪。日忽躍起。高三竿。爾里亟晡禮。訖日落。

或曰。日落復升。天下當共見之。何此祥異。

志不載。荅曰：日落復升，祥異志亦有之。第當此年月日未之見也。蓋地爲圓體，僅合天度，彼地之酉時，此地之夜半也。何得見之。

娶韞母哈比白

哈比白，原字哈哲氏子。哈遷海北，涉叛教。白不從，退之。哈不允。哈常酒醉死，白得退，見異。夢卜之曰：當爲聖后，聞于海北。涉王納查氏。王召白，見其品貌不凡，當爲貴人，無疑。乃命。

寶車珠幌載之遣厄卜而合爲姆奉之歸聖
王爲主婚王后嬪妃俱有賀贈寶物聖奉命
納之

十一月

足立格爾德
東曆九月

朝覲

自去歲侯代比葉之約來歲古來氏人恭請
聖人朝覲至是朝期已迫約期已屆古來氏
人不至是月旣見新月聖命凡在侯代比葉
約者俱受戒其有不在約而願從朝覲者亦
受戒或告曰古來氏未見來請聖人曰彼昧

約吾醒約也戒者三千人留額卜厄德漢掌
國稍六百駝爲祀牲以那後卜掌祀禮各帶
盛甲兵武以是月下旬出默底納古來氏聞
之大驚互相怨曰請之來不請亦來何若請
之爲美自知失約料難與敵合城出空讓聖
朝覲只有穆士居墨克者跪道拜迎聖大排
隊武緩步進城易卜尼勒瓦合引轡聖執銅
杖高誦應辭至禁地撫玄石命畢喇勒登克
而白宣諭聖領衆遊房履易卜喇欣位禮拜

叩庭諸凡禮制從容細密嚴恪精誠功行旣已住三日行曉諭隨來之人一人不許在墨

克過夜

娶買母納

買姆納者爾巴士庶婦之妹德性鄭重爰自朝覲歸來有命自主曰允有成功宜從九后聖人受命娶買姆納氏爾巴士主婚盛禮歸之此聖九后之最末者也

或問曰吾聖備九后七妃有諸荅曰然曰

至聖也、而需若許后妃耶、曰、特以證至聖之全品、更以驗至聖之清明、不爲物障也、吾聖歷九天而直上、不以仙境爲得趣、御九妃而守常、不因凡情而累德、此其所以爲至聖也、曰、聖人日間勸人、夜間勸神、自無暇于內事、不幾后妃爲虛設乎、曰、聖人聖人也、后妃賢女也、皆以輔德成化爲務、豈計內事哉、且其中復有至理存焉、不可不知也、九后乃九天之小樣也、七妃乃七

地之小樣也、凡人居天地之間、孰不爲天
地所籠絡、聖則超焉、其不爲九后七妃所
籠絡、卽不爲九天七地所籠絡之樣子也、
遷都八年、丙寅二月、色法爾、東曆膺月。古來氏長三人入
教

三人者、阿孫之子二木爾、與幹立德之子哈
立弟、與脫力合之子歐士馬尼也、皆古來氏
之頭目、素信聖人之道、而未從聖人之教者
也、迨自濠戰一敗、古來氏深識二氏之虛傾

服聖人之教、多欲投順、二木爾阻之曰、未可也。穆罕默德道雖高第、勝負未定、吾今且往海北涉、蹙附納查氏王、俟穆人再勝、則順之。若其不勝、吾在家爲世胄、在國爲名臣、皆不失其尊貴。衆善之二木爾備多方物、貢于納查氏王。言穆罕默德道德之盛、王喜、拜以官。會聖差伍買葉子來納、查氏公幹、伍曾殺古來氏多人、二木爾仇之。譖于王曰、伍買葉奸佞之徒、請王殺之、以利天下。王怒曰、聖人之